

Evaliason F.O.R.M.E.

LaFors spiritiel – Orientation nou leker – Resours – Manier ki nou ete – Experyans
(adapte depi bann materyel ki finn prepare par kominote legliz Saddleback)

Salitasion serviter/servant Zezi,

Nou sir sartin ki lapel pour servi royom Bondie parey kouma enn linvitasyon pou swiv Zezi.
Kompran seki Bondie finn apel twa pou ete pou ed tomem dekouver seki li finn apel twa pou fer.

Pou ki nou ed twa kompran seki Bondie finn apel twa pou to ete, nou pou servi akronim ki Paster Erik Rees finn rann popiler dan kominote legliz Saddleback dan Sid Kaliforni. Sa akronim la apel F.O.R.M.E. Pandan ki to pou komans dekouver sa F.O.R.M.E. ki Bondie finn donn twa, nou priye ki to bien konpran ki savedir pou twa servi Bondie ek so Royom pou ki to pasion an relasyon avek plan Bondie!

Parkont to bizin kone ki nou lintension se pas obliz twa pou servi Bondie dan nimport ki fason dapre bann rezilta de sa levaliasion la. Rezon prinsipal sa fason evaliasion formel se zis pou ed twa dekouver dan ki direksyon to kapav ale. Meyer mwanien pou twa vremem realize minister ki pli apropiye pou twa se 'zwe sa zwe la' e seye to mem!

Mersi to finn met twa lor sime ki pou servi Bondie. Ki Bondie beni twa e gid twa dan laventir ki apel... enn lavi motive par lesansiel.

To leklerer:

Kontak:

.....

Dapre F.O.R.M.E. – Sink manier ki Bondie finn form twa:

F – laFors spiritiel - Ki sa bann don surnatirel ki Bondie finn donn mwa?

O – Orientation nou leker- Ki mo pasion e ki eski mo kontan fer?

R – Resours - Ki mo bann talan e konpetans/ kapasite natirel?

M – Manier ki nou ete - Dapre mo personalite, kot mo pli kapab pou servi Bondie?

E – Experyans - ki bann experyans spiritiel ki mo finn viv? Ki bann experyans tris/ penib ki mo finn viv? Ki mo bann experyans dans minister?

“To minister pou pli efikas e li pou pli satisfere twa kan to pou servi bann don e bann kapasite dapre dezir to leker dan manier ki demontre plis to personalite e to experians”

- Rick Warren

Remersieman spesyal pou tou bann serviter Zezi Kris ki finn donn nou sa bann resours la :

- Enn lavi motive par lesansiel - Rick Warren
- F.O.R.M.E. - Erik Rees (kominote legliz Saddleback)
- Evaliasion F.O.R.M.E. - Darell Hailey
- Inventer F.O.R.M.E. - Gene Wilkes

Lakle bann repons bann lafors spiritiel:

1=	20=	39=	58=	77=	96=	115=	T=	A
2=	21=	40=	59=	78=	97=	116=	T=	B
3=	22=	41=	60=	79=	98=	117=	T=	C
4=	23=	42=	61=	80=	99=	118=	T=	D
5=	24=	43=	62=	81=	100=	119=	T=	E
6=	25=	44=	63=	82=	101=	120=	T=	F
7=	26=	45=	64=	83=	102=	121=	T=	G
8=	27=	46=	65=	84=	103=	122=	T=	H
9=	28=	47=	66=	85=	104=	123=	T=	I
10=	29=	48=	67=	86=	105=	124=	T=	J
11=	30=	49=	68=	87=	106=	125=	T=	K
12=	31=	50=	69=	88=	107=	126=	T=	L
13=	32=	51=	70=	89=	108=	127=	T=	M
14=	33=	52=	71=	90=	109=	128=	T=	N
15=	34=	53=	72=	91=	110=	129=	T=	O
16=	35=	54=	73=	92=	111=	130=	T=	P
17=	36=	55=	74=	93=	112=	131=	T=	Q
18=	37=	56=	75=	94=	113=	132=	T=	R
19=	38=	57=	76=	95=	114=	133=	T=	S

Rann enn servis, ploy sa seksion la avan to ranpli bann rezilta lor levaliasion bann don spiritiel.
(Sa pou ed twa pou ki to pa inflianse kan to reponn sa bann diferan kestion la)

Lakle levaliasion sa bann don spiritiel la :

A = Ladministrasion/ Lorganizasion	K = Lospitalite
B = Apostola/ Misioner	L = Interseksion
C = Artizana	M = Konesans
D = Kominikasion kreatif	N = Leadership
E = Disernman	O = Mizerikord
F = Lankourazman/ Ekzortasion	P = Profesi/ Predikasion
G = Evanjelizasion	Q = Pastora/ Gid
H = Lafwa	R = Anseignman
I = Don	S = Sazes
J = Led/ Servis	

APLIKASION PERSONEL

Asterla nou koumans dekouver ankore plis to bann don (paz 7). Nou finn diviz sa lalis bann don la an kat kategori: Don servis, Don oratwar (don pou koze), Don soutien e lezot don posib.

Kan to koumans lir bann deskripsion ki trouv anba, rapel ek met rayt kot bann premie linpresion ki konsern twa. Pa bliye to ena omwin enn ouswa plizier don spiritiel.

LOR BANN LAFORS SPIRITIEL

“Seki konsern bann realite spiritiel, mo pa oule ki bann frer ek bann ser dan liniorans” (1 Korintien 12: 1).

Paul koz lor bann don spiritiel. Enn don spiritiel se enn kalite spesial ki Sin Espri donn nou pou servi lezot ek fortifie lekòr Zezi Kris.

Diferan fason pou dekouver nou bann don spiritiel :

- Lexpéryans – li pli fasil pou dekouver so don atraver enn minister ki dekouver so minister atraver so don.
- Lir ek etidie – ena plizier liv ki koz lor don spiritiel.
- Fer bann evaliasion – parey kouma levaliasion F.O.R.M.E.
- Demann lezot zot led/ kontribisyon – lezot pou trouv souvan an nou bann don ki nou pa pou trouve noumem.

BANN LAFORS SPIRITIEL

Linstruksion :

Reponn enn par enn bann afirmasion lor bann paz evaliasion bann lafors spiritiel dapre barem anba la :

3= Touzour, definitivman vre
2= Pli souvan, zeneralman vre
1= Parfwa, detanzantan
0= pa ditou, zame

Servi tab repons lor paz 2, ekri to repons pou sak afirmasion dan kaz apropiye.

Importan: Reponn dapre seki to ete asterla, non seki to ti oule ete ouswa seki to panse to bizin ete. Ki lotantisite sa ban afirmasion la dapre twa? Ki ti to lexpéryans? Dan ki fason sa bann afirmasion reflekte to bann tandans, ki to fer par labitid?

Fer total sak ran ek ekri sa sif la dan kaz Total (T).

Lexanp:

1= 3	20= 2	39= 3	58= 1	77= 2	96= 3	115= 1	T= 15	A
------	-------	-------	-------	-------	-------	--------	-------	---

Kan to fini fer levaliasion la, transfer seki pli priorite pou twa ant TRWA ouswa SINK don spiritiel dan to profil F.O.R.M.E (Top 3-5 bann T pli for = transfer bann let ki koresponn dan profil la)

Not: Nou pan finn pran kont bann don kouma Gerizon, Interpretasyon, Mirak, Lamizik e Langaz dan levaliasion bann lafors spiritiel paski zot lekzistans dan lavi enn krwayan li zeneralman eviden/ kler.

Evaluasion bann Lafors Spiritiels

- 1) Mo kontan organiz ban dimoun, siperviz bann travay ek bann levennman.
- 2) Mo tia voudre mont bann legliz (kominote kretien) dan bann plas kot zot pa ekziste aktielman.
- 3) Mo kontant servi kreativite dan mo travay ar dibwa, lor tisi, avek lapintir, ar metal, ar ver ek avek lezot meteryel.
- 4) Mo kontan sanz regar bann dimoun lor Bondie kan mo servi diferan form lart.
- 5) Mo kapav vit fer diferans ant bann verite spiritiel e bann foste, ant dibien ek dimal.
- 6) Mo ena tandans get potansiel ban dimoun.
- 7) Mo explik avek klarte e efikasite levanzil (parol Bondie).
- 8) Mo trouv fasil ek natirel pou fer konfians Bondie afin ki li ekzos mo bann lapriyers.
- 9) Mo donn libreman ek avek lazwa bann dimoun ki ena problem finans ouswa mo sipor finansie dan bann proze.
- 10) Mo kontant travay an aryer plan pou siport travay lezot.
- 11) Mo konsider mo lakaz kouma enn plan kot mo kapav ed bann dimoun ki dan problem.
- 12) Mo pran bann reket lapriyer e mo kontign priye pou zot.
- 13) Ena bann dimoun ki vinn get mwa pou konnn mo lopinion lor enn pasaz dan Labib ouswa lor laverite dapre Labib.
- 14) Mo kapav ankouraz lezot pou atengn enn bit.
- 15) Mo resanti lanpati pou bann dimoun ki pe soufer e mo dezir ed zot dan zot faz gerison.
- 16) Mo kapav koz dan enn fason ki konvink dimoun e amenn bann sanzman dan lavi lezot.
- 17) Mo kontant donn mo letan pou donn soutien lezot e pran zot swin.
- 18) Mo kapav koz lor travay ki Bondie fer avek efikasite.
- 19) Souvan bann dimoun rod mwa pou bann konsey lor spiritualite e zot lavi prive.
- 20) Mo enn kiken ki metikile e mo kapav zer ban detay.
- 21) Lide pou servi dan enn lot pei ouswa enn lot group etnik interes mwa.
- 22) Mo kapav travay avek diferan zouti / materyel / resours.
- 23) Mo kontan develop ek utiliz mo bann kapasite artistik kouma desin, teat, lamizik, fotografi ekt.
- 24) Mo kapav souvan ziz karakter enn dimoun premie fwa mo zwenn li.
- 25) Mo kontan rasir e ankouraz bann ki dekouraze.
- 26) Mo rod touletan bann lokazion pou konstrir bann relasion avek bann non-kretien.
- 27) Mo ena konfians ki Bondie pou satisfere nou bann mankman e pou kontign ed nou mem dan bann moman difisil.
- 28) Mo donn plis ki ladim pou ki travay royom Bondie kapav fer lor later.
- 29) Mo kontan fer bann travay kotidien ki siport minister.
- 30) Mo kontan zwenn bann nouvo dimoun ek ed zot pou ki zot santi zot bien ek alez.
- 31) Mo kontan priye pandan enn long moman ek atann gagn direktiv / lord ar Bondie pou ki mo priye lor seki li oule mo priye.
- 32) Sintespri inspir mwa e kouminik mwa bann linformasion dan enn fason sirnatirel.
- 33) Mo kapav inflians lezot pou ki zot realiz ennn proze/ vizion.
- 34) Mo kapav ed avek pasians tou bann dimoun kifinn pas dan bann leprev tandi ki zot pe esay rod stabilite dan zot lavi.
- 35) Se mo devwar defie lezot pou rod laverite.
- 36) Mo ena konpasion pou bann krwayan ki finn egare e mo oule/ anvi protez zot.
- 37) Mo envi pas letan etidie Labib parski mo kone ki dir laverite lezot pou fer enn diferans dan zot lavi.
- 38) Mo kapav souvan trouv bann solision simpe e pratik omilie bann konfli e konfizion.
- 39) Mo kapav klarifie bann bit e devlop bann stratezi ouswa bann plan pou konkretiz zot.
- 40) Mo envi/ oule ranpli enn rol aktif dan inplantasion enn nouvo legliz.
- 41) Mo kontan invariant/ kre bann kiksoz (obze) ki kapav servi dan minister.
- 42) Mo ed dimoun pli konpran ki zot ete, zot diferan relasion e Bondie atraver lexpresion artistik.
- 43) Mo kapav kone kan enn kitsoz fos avan ki lezot resi dekouver.
- 44) Mo donn lespwar lezot parski mo fer zot apiy lor bann promess Bondie.
- 45) Mo adapte mesaz dan Labib avek efikasite pou relie li avek bann dimoun ek zot lexisans.

- 46) Mo kwar ki Bondie pou ed mwa fer bann gran kitsoz.
- 47) Mo zer bien mo kas pou ki mo kontribiye pou bann don.
- 48) Mo volonter pou fer bann ti travay ek tas menaze dan legliz pou soutenir lezot.
- 49) Mo sinserman kwar ki Bondie avoy bann etranze pou ki mo met zot an relasion avek lezot.
- 50) Mo konsian mo pe servi lezot kan mo pe priye.
- 51) Mo pran langazman e mo trouv letan pou lir e etidie Labib pou konpran net e avek presizion parol Bonbie/ bann lanseigman dan Labib.
- 52) Mo kapav sanz mo fason fer, travay (lead) pou ki lezot dimoun donn zot best/ fer zot mie.
- 53) Mo kontan ed bann dimounn ki parfwa pa merite e ki pa kapav fer nanaier pou zot.
- 54) Mo expoz, san ki mo gagn per, ban tandans kiltirel, bann lenseignman ouswa bann levennman ki kontradiktwar avek bann prinsip dan Labib
- 55) Mo kontan konsey dimoun lor plizier domenn dan zot lavi integral, rasionel, emosionel, spiritiel etc.
- 56) Mo kapav konsakre enn bon parti mo letan pou aprann ban verite dapre Labib pou ki mo partaz avek lezot.
- 57) Mo kapav swazir fasilman lopsion ki pli efikas parmi plizier swa/possibilite.
- 58) Mo kapav identifie ek utiliz efikasman bann resours nesese pou fer ban travay.
- 59) Mo kapav adapte momem avek diferan kiltir ek lanvironnman.
- 60) Mo kapav imazine kouma enn kiksoz pou ete avan realiz li/ avan ki li konkretize.
- 61) Mo kontan rod bann nouvo mwanien pou partaz parol Bondie.
- 62) Mo rod laverite ek ban fay dan diferan sitiasion.
- 63) Mo donn lasirans bann dimoun ki pou pran bann aksion/ desizion ki dimann kouraz dan zot lafwa, fami ouswa zot lavi.
- 64) Mo invit bann seki pa krwar dan Bondie aksepte Kris kouma zot sover.
- 65) Mo fer konfians Bondie dan bann sitiasion kot pa kapav garanti/ asir sikse zis par zefor imin.
- 66) Mo fer enn manier limit mo bann depans pou ki mo donn plis.
- 67) Mo trouv enn limportans spiritiel kan mo fer bann travay/ tas pratik.
- 68) Mo kontan kre bann sitiasion (kontex) kot ban dimoun pa santi ki zot tousel.
- 69) Mo priye avek lasirans parski mo kone ki Bondie reponn/ exos bann lapriyer.
- 70) Mo ena presantiman/ lintuision ouwsa mo kone ki enn kiksoz vre.
- 71) Mo definir ban bit ek mo organiz bann dimoun e resours ki bizin pou akomplir zot.
- 72) Mo resanti bokou konpasion pou bann dimoun ki soufer.
- 73) Mo trouv mazorite bann aksion swa bon ouswa pa bon, e mo resanti ki bizin koriz bann erer la.
- 74) Mo kapav donn avek lwayote mo soutien e latansion lezot lor enn long peryod letan.
- 75) Mo kontant adopte enn fason sistematik/ regulie kan mo pe etidie Labib.
- 76) Mo kapav kone alavans e avek sertitid konsekans bann aksion enn dimoun ouswa enn group.
- 77) Mo kontan ed bann group ouswa enn group lorganizasion pou zot vinn pli efikas/ pou zot pli avanse.
- 78) Mo kapav dialogue avek lezot parski mo ena enn sistabilite kitirel dans mwa.
- 79) Mo fer oner Bondie par mo bann talan artizanal.
- 80) Mo servi plizier ekspresyon artistik pou kominik laverite Bondie.
- 81) Lezot konfirm mwa ki mo bann intuision e persepsion ti fiab.
- 82) Mo ankouraz bann seki zot lafwa inn ebrale.
- 83) Mo dir fran lezot ki mo enn kretien/ kretienn e mo oule ki zot poz mwa bann kestion lor mo lafwa.
- 84) Mo sir ki prezans Bondie akonpagn mwa ek li azir toulezour dan mo lavi.
- 85) Mo kontan kone ki mo kontribisyon finansie fer enn vre diferans dan lavi bann serviter Bondie e zot minister.
- 86) Mo kontan rod bann tipti kiksoz ki bizin fer e souvan mo fer zot san ki mo santi mwa forse.
- 87) Mo kontan akey bann dimoun ek ouver laport mo lakaz pou zot.
- 88) Kan mo tann sitiasion bann dimoun ki bizin led, mo resanti ki bizin priye.
- 89) Enn kout mo finn tann/ konn detrwa kiksoz lor lezot, me mo pa kone kouma mo finn appran sa bann kiksoz la.
- 90) Mo inflians lezot donn lemeyer de zot kapasite.

- 91) Mo pas get zis enn kiken so andikap ouswa bann sitiasion enn kiken ete parski mo kone lavi dimoun la inportan pou Bondie ek li kapav servi li.
- 92) Mo apresie bann dimoun/ kiken ki onet e koz la verite.
- 93) Mo kontan konsey e ankouraz enn tipti group dimoun.
- 94) Mo kapav evanjelize dan enn fason ki mo motiv/ enkouraz lezot, etidie parol Bondie/ Labib e provok an zot dezir konn plis.
- 95) Mo donn bann konsey ki pou servi dimoun travers enn bann sitiasion konplike/ difisile.
- 96) Mo kontant kone kouma bann organizasion fonksione.
- 97) Mo kontant vinn pionie bann nouvo proze (setadir enn de bann premie dimoun ki fin mont ek realiz proze la).
- 98) Mo doue/ ena talan e mo kontan fer bann travay avek mo lame.
- 99) Mo enn dimoun Kreatif ek ki ena boukou limazinasion.
- 100) Mo kapav idantifie si enn bann predikasion, enn bann lanseignman ouswa enn bann kominikasion pa sorti depi Labib.
- 101) Mo kontan ankouraz lezot pran bann inisiativ pou zot prop developman spiritiel.
- 102) Mo dir fran ek avek konfians kouma Bondie fin servi mwa pou lezot.
- 103) Souvan mo lans linvitation lezot pou fer konfians Bondie.
- 104) Mo donn avek zenerozite aköz mo langazman dan lintendans (pou kontribie pou servis legliz).
- 105) Mo santi mwa alez atraver mo rol asistan kan mo ed lezot pou vinn pli efikas dan zot minister.
- 106) Mo fer tou seki mo kapav afin ki lezot santi zot atase avek zot legliz/ kominote.
- 107) Mo santi mwa onore kan enn kiken deman mwa priye pou li.
- 108) Mo dekouver enn bann kiksoz ki vre e inportan ki pou dan lavantaz lezot ki fer parti lekor Lekris kan mo etidie e lir lekritir.
- 109) Mo kapav partaz ek prezant enn vision desort ki lezot anvi partisip dan realizasion sa vizion-la.
- 110) Mo kontan amenn lazwa e lesperans/ lespwar pou bann kikenn ki viv dan enn bann sirkonstans difisil.
- 111) Mo pou temwagn laverite Bondie dan bann landrwa kot zot inpopiler ouswa difisil pou asepte zot.
- 112) Mo kapave ramenn bann krwayan ki fin rekale dan lafwa e dan kominion fraternel avek douser.
- 113) Mo kapav prezant enn bann linformasion e fason fer avek lezot desort ki zot kapav konpran e met li an pratik dan zot lavi.
- 114) Mo kapav met an pratik enn bann verite dan Labib ki lezot trouv itil.
- 115) Mo kapav imazinn enn levennman dan fitir/ lavenir, konn alavans enn bann problem potansiel (ki pou arive) ek trouv bann sime sorti/ solision.
- 116) Mo kapav orkestre setadir organiz e chek/ verifie plizier minister dan legliz.
- 117) Mo kapav konsevwar setadir kakile ouswa mazinn kiksoz (enn lobze) dan mo lespri e answit fer li pou ki legliz avanse/vinn pli efikas.
- 118) Souvan mo bizin retrouv mwa tousel pou reflesi e devlop mo imazinasion.
- 119) Mo kapav resanti kan enn puisans demoniak pe travay dan lavi enn kikenn ouswa dan enn sitiasion.
- 120) Mo kapav lans enn defi lezot ouswa koriz lezot pou zot kapav grandi spiritielman.
- 121) Mo rod bann lokasion pou koz spiritualite avek bann non-krwayan.
- 122) Mo kapav al delavan malgre mo pozision ouswa kan mo pena ase soutien kan mo resanti benediksjon e laprobasion (Bondie fin koz ar mwa) pou enn proze.
- 123) Mo krwra mo fin resevwar ennta resours (finansie) pou ki mo kapav donn plis pou royom Bondie.
- 124) Mo servi san difikilte e avek lazwa mo ban talan natirel/ ine ouswa seki mo fin aprann la kot bizin mwa.
- 125) Mo kapav met bann dimoun alez mem dan enn lanvironman etranze/ ki zot pa kone/ ki pa familie.
- 126) Souvan mo trouv bann rezilta spesifik par rapor a mo bann lapriyer ki fin exose.
- 127) Mo partaz avek lasirans mo konesans et mo bann intuision ar lezot.
- 128) Mo konpran kot bizin ale e ed lezot ariv zot destinasion.
- 129) Mo kontan fer enn bann kiksoz pou seki dan difikilte.
- 130) Li nesaser pou mwa koz lor pese e amenn/ diriz lezot ver sime repantans.
- 131) Mo kontan, avek pasians me avek fermte, ankadre e ed lezot dan zot developman (spiritiel) kouma enn krwayan.
- 132) Mo pran plezir/ kontan explik bann kiksoz lezot pou ki zot grandi lor plan spiritiel e personel.
- 133) Mo ena sa intuision-la pou rezoud/ regle enn bann problem ki lezot pa trouve.

Don servis

Ladministrasion/ Lorganizasion (1 Korintien 14: 40)

Kapasite sirnatirel pou organiz ek zer bann dimoun, bann resours e letan pou enn minister efikas. Kapasite pou kordonn plizier detay dan enn manier presi e stratezik, kapav akompli bann plan bann leaders inn done.

Disernman (1 Korintien 12: 10)

Kapasite sirnatirel pou diferansie ant dibien e dimal, laverite parmi erer e fer enn evaliasion rapid ki baze lor laverite Bondie. Kapasite diserne si lasours enn kikenn so bann motivasion (ouswa enn lexpertyans) vinn depi Satan, limem ouswa lespri Bondie.

Lafwa (1 Korintien 12: 9; 13: 2)

Kapasite sirnatirel fer konfians Bondie mem si nou pas trouv li, kont lor so bann promes, malgre ninport ki sirkonstans. Dezir pran bann risk dapre vizion done par Bondie, atann ki Bondie rezoud bann problem.

Don (Romin 12: 8)

Dispozision sirnatirel pou kontribiye enn bann resours materyel ek/ ouswa donn kas zenerezman ek leker kontan pou ki legliz grandi ek vinn for.

Ed/ Servis (1 Korintien 12: 28)

Dispozision sirnatirel pou rekonet bann bezwin ki pa satisfere par lafami-legliz ek pran liniativ donn enn koudme konkre, donn enn servis rapid, leker kontan e san ki atann rekonesans. Tandans natirel pou investi to bann prop talan, letan e lenerzi pou ed enn lot kikenn realiz bann bit Zezi Kris ek ed lezot ogmant lefikasite zot minister e zot F.O.R.M.E.

Lospitalite (1 Pier 4: 9-10)

Kapasite sirnatirel pou fer lezot santi zot bien akeyi, fer zot aksepte/ fasilite lintegrasyon e santi zot alez. Kapasite sirnatirel zer bann fakter ki konsern lasosiete pou ankouraz kominion fraternal e linite.

Leadership (Romains 12: 8)

Kapasite sirnatirel met tou zafer okler afin ki kominik bien enn vizion enn minister dan enn fason ki pou attir lezot pou inplik zot. Kapasite sirnatirel pou idantifie "F.O.R.M.E" lezot dimoun e inplik zot dan enn manier efikas pou travay dan zot minister. Dispozision sirnatirel pou ankouraz lezot a traver to lexanp pou atenn enn bann obzektif ansam.

Mizerikord (Romin 12: 8)

Dispozision sirnatirel pou detekte lapenn fisik, mantal e emosyonel e temwagn lanpati anver bann ki pe soufer, ki li bann dimoun ki form parti dan lafami-legliz ouswa andeor. Kapasite sirnatirel pou donn enn soutien konpatisan e zwaye anver bann ki pas par deters, kriz ouswa soufrans.

Kominikasyon kreatif (Psom 144: 9)

Kapasite sirnatirel servi limagination ou bann lide orizinal pou kre kiksoz. Kapasite sirnatirel pou kre e devlop bann nouvo lide afin ki Bondie kapav tous lavi bann dimoun. Kapasite sirnatirel pou devlop toutsort konesans artistik e ki zot pou servi dan minister. Kapasite exprim louanz atraver plizier mwanien expresion.

Artizana (Efezien 2: 10)

Kapasite sirnatirel pou form e pou kre kiksoz avek lame. Kapasite sirnatirel pou servi kouma bizin toutsort kalite bann zouti e bann lekipman pou fer plizier kalite travay. Dispozision sirnatirel pou ranz, antretenir/ pran swin ouswa ran pli zoli plas kot loue Bondie pou so laglwar.

Don oratwar / koze

Exortasion/ Lankourazman (Romin 12: 8)

Kapasite sirnatirel pou motiv zanfann Bondie pou aplik e azir dapre bann prinsip bibliik, spesialman kan zot dekouraze ouswa kan zot santi zot lafwa pe tegn. Kapasite sirnatirel pou trouv lemeyer dan lezot (si bizin ankouraz ouswa met zot dan zot plas) e “challenge” zot pou devlop zot potansiel.

Profesi/ Lapres (1 Korintien 14: 3, 24, 25)

Kapasite sirnatirel pou difiz piblikman parol Bondie dans enn manier pou konvaink bann non-krwayan e anmemtan defie ek donn rekonfor bann krwayan. Kapasite pou deklar volonte Bondie avek konviksion. Kapasite servi parol Bondie pou ekler, ankouraz e konsol bann krwayan. (Pran not ki bann profet kapav donn zot lopinion lor seki lezot profet pe prese si sakenn respekte zot kamwad).

Konesans (1 Korintien 12: 8)

Kapasite sirnatirel pou dekouver, asanble, analiz, organiz e kominik bann linformasion inportan pou partaz avek sak krwayan ouswa avek lafami-legliz. Kapasite pou konpran boukou linformasion e servi li kan bizin pou pran enn desizion efikas.

Lanseigman (1 Korintien 14: 26)

Kapasite sirnatirel pou instrir zanfann Bondie afin ki fer zot konpran e donn zot leklersisman lor Labib. Kapasite ranfors e form bann lezot krwayan pou travay dan minister.

Lasazes (1 Korintien 2: 6-16; 12: 8)

Kapasite sirnatirel pou konpran parol Bondie ki relie avek bann lexpertyans lavi e kominik Bondie so panse lor enn bann sitiasion presi ki arive dan lavi dan enn manier sinp e fasil pou konpran.

Don soutien

Apostola/ Misioner (Efezien 4: 11; Timote 1: 11)

Enn kikenn ki finn gagn lapel, e ki finn swazir par Sintespri e ki swazir par legliz pou pres bonn nouvel, proklam parol Bondie, ankouraz e ranfors bann zam ki reponn pozitivman a zot mesaz. Se enn dimoun ki ena plizier don e ki servi sa bann don-la kan pou batir bann nouvo legliz. (Akts 13: 2-5, 14: 3, 21-23; Romin 15: 20)

Levanzelizasion (Efezien 4: 11; Akts 8: 26-40)

Enn kikenn doue e forme prinsipalman pou enn minister, spesial pou difiz Bon nouvel Zezi dan enn manier pozitiv e pa forse avek enn bann non-kwrayan (Akts 21: 8; Timote 4: 5)

Pastora/ Gid (Efezien 4: 11; Akts 20: 17-32)

Se sa dimoun dan legkiz lokal-la ki so minister se gid e okip so troupou, ouswa pran gran swin e donn enn gran latansion pou bien-et global bann fidel e ansegn ou explik klerman bann verite lor parol Bondie avek enn bann lexplikasion apropiye. Enn paster so bit global se prepar bann sin, setadir bann zom ouswa fam, pou fer minister. Sa nesesisit plizier don, me plizier paster ena plizier don, se seki ran efikas zot minister dan diferan domenn.

Intersesion (Kolosien 1: 9-12)

Dispozision sirnatirel pou priye pou bann nesesisite lezot dan lafami-legliz pandan enn long period, enn fason regliye. Kapasite pou persever dan lapriyer e pa dekouraze ziska ki repons-la vini.

Lezot don posib

Gerizon (Akts 5: 14-16)

Dispozision sirnatirel, pou fer enn kiksoz e par pwisans Sinterspri, pou amenn enn gerison fizik, emosyonel ou spiritiel dan enn bann sirkonstans presi. Dapre Labib, kapasite fer bann gerison ti pe valid (donn plis pwa) minister enn dimoun.

Interpretasion bann lang (1 Korintien 12: 10, 30)

Dispozision sirnatirel pou interpret e explik net, dan enn langaz komin devan lasistans/ dimoun ki prezan, seki finn dir par enn dimoun ki so don spiritiel/ so minister se koz an-lang

Koz an-lang (Akts 2: 4-21; 10: 46)

Dispozision sirnatirel pou koz dan enn langaz ki dimoun kip e koze-la pa kone, pou deklar bann laktion pwisan Bondie, ran li gras ouswa beni li, me ki zis enn kikenn ki konpran langaz-la kapav diserne. (1 Korintien 12: 10, 28, 30; 14: 14-17, 22)

Mirak (Akts 5: 12-14; Akts 14: 3)

Dispozision sirnatirel pou fer kiksoz e atraver pwisans Sintespri, fer bann aksion, bann evennman ouswa bann kondision ki sirpas/ depas realite natirel, me ki nou arive trouve par nou bann sens natirel. Dapre Labib, kapasite fer bann mirak ti pe valid (donn plis pwa) minister enn dimoun.

Lamizik (1 Korintien 14: 26; Efezien 5: 18-19)

Dispozision sirnatirel pou selebre prezans Bondie atraver lamizik, swa vokal ou instrimantal, e partisip avek lafami-legliz pou guid zot dan lalouanz.

Kan to fini dekouver tou sa bann don-la, silteple, priye e demann Bondie ki 5 don ki meyer e ki nou rekomann twa devlope pou ki to pli efikas dan to lavi kan Bondie pe servi twa.

MO SINK MEYER don spiritiel se:

1.
2.
3.
4.
5.

PWIN INPORTAN KI BIZIN PA BLIYE !

Li pli fasil dekouver to bann don
kan to travay dan minister
ki dekouver to minister
kan to fer resers lor to bann don.

Konsènan Orientation nou leker

“Donn Bondie premie plas dan to lavi, e li pou donn twa bann dezir to leker.” Psom 37: 4

Enn lot fason pans to bann dezir, se pans to bann pasion!

Pran enn letan e pans lor sa bann kestion-la:

Ki motiv twa?

- Ki to ti pou fer pou Bondie si to ti kone ki to pou reisi?
- Ki fer twa azir?
- Ki afekte twa e ki fer twa pa gagn somey aswar?

Ki bann dimoun ki to ti kontan pou ede anpremie?

- Ki bann dimoun to panse to kapav inflians plis?
- Eski ena enn trans laz ki to pli alez? Si wi, dir ki trans laz-la?
- Eski ena bann resanblans/ pwin komin avek enn group dimoun an-partikilie?

Ki bann bezwin bann dimoun ki atir mwa plis?

- Ki 2 bezwin ki pli inportan ki mo kontan satisfè pou lezot?
- Kifer mo kontan satisfè sa bann bezwin-la?

Ki kitsoz fer/ rann mwa pli fèvan/ pasione?

- Ki kitsoz ou problem fer mo leker bat for?
- Kot mo kapav gagn plis limpakt/ kot mo kapav plis efikas pou Bondie?

Orientation nou leker

Linstriksion: Silteple met rayt dan sak bwat ki dapre twa koresponn twa.

Bann dimoun ki mo anvi plis ede/ servi:

- | | | | |
|--|---|---|--|
| ☐ Zanfan | ☐ Fam | ☐ Paran selibater | ☐ Zenes fek marye |
| ☐ Etidian liniversite | ☐ Malad dans lopital | ☐ Selibater | ☐ Zenes |
| ☐ Andikape | ☐ Nouvo-ne | ☐ Mama-adolesan | ☐ Pov |
| ☐ Divorse | ☐ Zom | ☐ Somer/ pena travay | ☐ Orfelin |
| ☐ Vie dimoun | ☐ Paran | ☐ Vev | ☐ Non-kretien |
| ☐ Paran ki tousel | ☐ Prisonie | ☐ Klosar/ pena lakaz | ☐ Lezot: |
| ☐ Kretiens (Bann fidel legliz, dirizan, misioner etc) | | | ☐ Lezot: |

Bann problem ouswa bann kitsoz ki mo senti mo bizin fer kitsoz:

- | | | | |
|--|---|---|--|
| ☐ Abis/ violans | ☐ Ladrog | ☐ Klosar/ pena lakaz | ☐ Konportman violan |
| ☐ Lalkol | ☐ Ledikasyon | ☐ Problem inzistis | ☐ Fitir zenerasyon |
| ☐ Zanfan a risk | ☐ Lanvironnman | ☐ Lalwa/ lazistis | ☐ Absans spiritualite |
| ☐ Respe lavi | ☐ Etik | ☐ Mariaz / lafami | ☐ Linite bann kretien |
| ☐ Dimoun sourd | ☐ Finans | ☐ Parantalite | ☐ Louanz e adorasyon |
| ☐ Andikape | ☐ Lasante/ fitness | ☐ Politik | ☐ Art e spektak |
| ☐ Divors | ☐ VIH/SIDA | ☐ Lapovrete/ lafin | ☐ Lezot: |
| ☐ Teknolozi | ☐ Sexsialite | ☐ Mision mondial | ☐ Lezot: |
| ☐ Plantation legliz | ☐ Lamizik | ☐ Mouvmman lapriyer | ☐ Lezot: |

Ki vision/ mision (si ena enn) ki Bondie finn depoz lor to leker?

.....

.....

Konseman bann resous

Sakenn de nou bann resous ki nou finn dekouver e aprann depi ki nou lexiyans finn dire.

Lir sa lalis dispozisyon special et met rayt la kot to pense to kompetan e ki to kontan fer :

RESOURS

- ☐ Adapte – Kapasite adapte, sanze
- ☐ Administre – Kapasite gouverne, verifie si tou pe pass bien
- ☐ Analyse – Kapasite examine, explore, evalie
- ☐ Artistik – Kapasite konseptualize, desine, penn, fotografie ouswa fer bann interpretasyon
- ☐ Konstrir – Kapasite ranze, fer, met tou ansam
- ☐ Klasifikasyon – Kapasite klas bann liv, bann linformasyon e bann materyel pou ki fasilman gagn akse
- ☐ Ankadreman – Kapasite prepar, instrir, form, ekip, devlop
- ☐ Kominikasyon – Kapasite partaz, transmet, informe
- ☐ Konpetisyon – Kapasite lite, gagne
- ☐ Konpoze – Kapasite pou konpoz lamizik e ekri bann parol
- ☐ Kalkile – Kapasite pou azoute, estime, fer total
- ☐ Konekte – Kapasite pou zwenn ansam, angaze e met an relasyon
- ☐ Konsilte – Kapasite donn konsey, diskite
- ☐ Kwizine – Kapasite pou prepare, servi, nourri bann tipti e bann gran
- ☐ Kordonne – Kapasite pou organize, aranje
- ☐ Konseye – Kapasite pou soutenir, ekoute, pran swin, ankouraze e gid avek sansibilite
- ☐ Konte – Kapasite pou travay avek bann sif, bann linformasyon ouswa larzan
- ☐ Dekore – Kapasite fer zoli, dekore, prepar enn dekor pou enn levennman special
- ☐ Konsewar – Kapasite pou desine, kre, fer bann kroki
- ☐ Devlope – Kapasite trouv pli larz, pli gran, fer progres, grandi
- ☐ Dirize – Kapasite defini enn bit, zere, kontrole, sipervize
- ☐ Edite (pibliye e vande) – Kapasite pou korize, rektifie, sanze, amelyore, relir e re-ekri
- ☐ Ankouraze – Kapasite pou remont moral, inspire e soutenir
- ☐ Injenieri – Kapasite konstrir, desine, fer plan
- ☐ Diverti – Kapasite interprete, inkarn/ zwe en rol, sante ouswa koz an-piblik
- ☐ Exsele – Kapasite vinn meyer e fer mo lekip gagnie, met labar pli ot
- ☐ Evalie – Kapasite analiz bann linformasyon e tir bann konklizyon
- ☐ Fasilite – Kapasite ede, ran kitsoz posib
- ☐ Predir – Kapasite konn e dir kitsoz an avans, fer kalkil, get bann tandans, bann model e bann tem
- ☐ Inplemante – Kapasite aplike, realize
- ☐ Amelyore – Kapasite vinn meyer, rod plis konesans, ankouraze, ranforce
- ☐ Inflanse – Kapasite inflans, konvink, fason e sanze
- ☐ Interviewe – Kapasite dekouver kouma lezot ete vreman
- ☐ Peizazis – Kapasite fer zardinaz, plante, inov (fer kitsoz nouvo depi enn kitsoz ansien)
- ☐ Dirize – Kapasite fer enn sime la kot pena, gagnie
- ☐ Aprann – Kapasite etidie, rasanble, konpran, amelyore, epanwir
- ☐ Zere – Kapasite opere, zere, siperviz bann dimoun pou fer enn travay ouswa enn levennman, pou konstitie (met ansam) bann detay
- ☐ Mantora – Kapasite pou donn konsey, gide, montre
- ☐ Motive – Kapasite pou ankouraz kikenn
- ☐ Negosie – Kapasite pou diskite, konsilte, regle bann kitsoz

- ☐ Opere – Kapasite pou fer bann kitsoz mekanik e teknik fonksione (lekipman, masinn e zouti)
- ☐ Organize – Kapasite fer kitsoz sinp, aranje, fixe, klasifie, konstitie
- ☐ Interprete – Kapasite sante, koze, danse, zwe enn linstriman e zwe/ interpret enn rol
- ☐ Persevere – Kapasite trouv bann kitsoz realize, Kontinie ziska lafin, zere bann kitsoz ziska lafin
- ☐ Inove – Kapasite kre bann nouvo kitsoz, amelior bann kiksoz ki deza la
- ☐ Planifie – Kapasite aranje, prepare, trouv bann stratezi, planifie e organiz bann program e bann levennman
- ☐ Promouvwar – Kapasite pou vande, sponsorize, fer piblisite
- ☐ Relasion piblik – Kapasite pou zer bann konplint e bann kliyan ki dezagreab avek swin e kourtwazi
- ☐ Rapel – Kapasite pou rapel bann nom e bann figir
- ☐ Rekrite – Kapasite pou angaz e motiv bann dimoun pou travay
- ☐ Repare – Kapasite pou repara, rakomode, restore, geri e mintenir
- ☐ Resers – Kapasite pou rode, rasanble, examine, etidie, lir, ramas bann linformasyon e bann done
- ☐ Resourse – Kapasite pou fourni, done, trouv bann materyel ki pa trop ser e bann resours nesaser
- ☐ Servi – Kapasite pou ede
- ☐ Shopin – Kapasite pou ramase, gagn bann kitsoz, aste bon kalite meyer pri
- ☐ Stratezi – Kapasite pou sipoze (prevwar), kalkile, fer enn proze
- ☐ Anseignie – Kapasite interprete, decode, explike, koze, forme e montre
- ☐ Vwayaze – Kapasite pou vwayaze, vizite, explore
- ☐ Vizialize – Kapasite pou vizialize, imazine, kre, reve, konseptialize
- ☐ Akeyir – Kapasite pou diverti, resevwar, konpran, met alez
- ☐ Ekrir – Kapasite pou ekrir, kre, anrezistre bann linformasyon, ekrir bann lartik, let e liv

LEZOT?

PWIN INPORTAN KI BIZIN PA BLIYE !

Lekor enn imin ena plizier parti, me bann diferan parti la form enn sel lekor. Li parey pou lekor Zezi Kris (1 Korinthien 12: 12).

Nou tou diferan avek bann don e talan diferan me nou TOU mamb enn sel lekor. Nou pa BIZIN ena mem don pou kapav servi Bondie. Li finnn kre nou kouma nou ete pou ki nou kapav servi li dapre SO plan parfe.

Pourtan Bondie atann ki nou devlop sa bann don-la (Mathie 25: 14-21 parabol bann talan)

Manier ki nou ete

Definision enn stil konportman enn kikenn ouswa so personalite:

Kalite enn kikenn ete ouswa ena; so bann labitid e bann kalite ki trouv dan so konportman; bann kalite spesifik enn dimoun, kouma li panse ek kouma li azir.

Met rayt akot sa bann tip personalite la definir fason ki to trouv twa e seki lezot trouve dan twa.

☐ Kouraze	☐ Bavar	☐ Konpatisan	☐ Atansione
☐ Avantirye	☐ Desizif	☐ Anpatik	☐ Akeyan
☐ Lib	☐ Dosil	☐ Perseveran	☐ Touzour pre
☐ Sosiab	☐ Pridan	☐ Komfian	☐ Antousiast
☐ Lwayal	☐ Fasil	☐ Reserve	☐ Intans
☐ Ordone	☐ Organize	☐ Konvinkan	☐ Sansib
☐ Lespri lib	☐ Modere	☐ Sinser	☐ Azite
☐ Visioner	☐ Prodiktif	☐ Anbisie	☐ Zanti
☐ Kalm	☐ Fokalise lor rezilta	☐ Fleksib	☐ Sinp
☐ Serye	☐ Rapid	☐ Metikile	☐ Extraverti

LEZOT?

Enn lot fason pou definir to personalite se servi sa lesel ki anba la pou kone kot to sitie twa pou sak karakteristik. Si nesesser, servi bann deskripsion la pou denifir sak karakteristik, ansrekle seki plis defini twa

Introverti	1	2	3	4	5	6	7	8	Extraverti
Kontrole	1	2	3	4	5	6	7	8	Natirel
Intwitif	1	2	3	4	5	6	7	8	Sanse
Reflesi	1	2	3	4	5	6	7	8	Emotif
Oriente lor travay	1	2	3	4	5	6	7	8	Oriente lor dimoun
Striktire	1	2	3	4	5	6	7	8	Pa striktire

Introverti: Zot kontant res avek lezot, me kan zot sosyalize zot lenerzi emosionel afekte. Solitid li nesesser pou resours zotmem.

Extraverti: Zot kontant solitid/ res tousel mais sa afekte zot lenerzi emosionel. Sosyalizasyon li nesesser pou resours zotmem.

Kontrole: Zot prefer bann rezilta olie bann dimoun e zot kontant striktire, zot prepar bann lalis verifikasyon.

Natirel: Zot prefer lexperians plito ki rezilta e zot ena tendas bliye zot lalis verifikasyon me sa pa afekte zot.

Intwitif: Zot kontan bann metafor setadir bann konparezon e bann zimaz. Zot ena tandans konpran bann lide konplike san konpran vmem kifer e zot plis interese par seki 'kapav ete' plito ki seki 'ete'.

Sanse: Zot regroup bann linformasyon tigin par tigin, answit zot fokaliz zotmem lor bann fe, bann done e lexperians. Zot plis interese par seki 'ete' konpare avek 'seki kapav ete'.

Reflesi: Zot pran bann desizyon par rapor a seki zot finn panse. Zot fokaliz zot mem lor bann fe, bann done, bann reg e bann prosedir kontrerman kouma bann desizyon inflians bann dimoun la.

Emotif: Zot baz zot lor zot bann lemosion kan zot pran bann desizyon. Zot fokaliz zot mem lor kouma bann desizyon pou inflians bann dimoun olie bann fe e zis bann done etk.

Oriente lor travay: Zot santi zot alez kan zot fer bann kitsoz pou bann dimoun, zot ena tandans fokaliz zotmem lor bit-la, zot antousias pou fer avans enn koz e zot pli konserne pou ataign bit-la dan letan ki fin alwe.

Oriente lor dimoun: Zot santi zot alez avek lezot dimoun, favoriz bann relasyon (kominikasyon), zot antousiast pou form kominote e gard lekup.

Striktire: Zot prefer swiv enn plan, rezoud bann kitsoz asterla, prefer bann proze ki zot abitie fer parski zot pli sir e akonplir bann travay pli bien kan zot swiv enn plan.

Pa striktire: Zot prefer fer kitsoz dan enn manier spontane, san preparasyon, les bann opsyon ouver, prefer bann diferan proze, parski zot agase par laroutinn e akonpir pli bien bann travay dan sa manier- la.

Experyans

Bondie servi tou to bann lexpéryans pou ki li prepar twa pou to fitir minister e pou to gagn sikse. Bondie itiliz bann bon ek move lexpéryans dan lavi pou anseign twa e prepar pou seki pe vini.

Reponn sa bann kestion-la, Zot pou ed twa idantifie bann expéryans lavi ki pou kapav servi dan enn fason efikas pou to fitir minister.

1. Ki to bann lexpéryans spiritiel (li inplik bann desizyon inportan, bann moman avek Bondie kot to ti santi twa dan enn manier partikiliye pros avek Bondie, etk.)?

.....

.....

.....

.....

.....

2. Ki to bann lexpéryans dan ledikasyon (li inplik lekol, sertifika, to bann size perfere e to bann aprantisaz)?

.....

.....

.....

.....

.....

3. Ki to bann lexpéryans vokasione! (Li inplik to bann lexpéryans, bann tip travay e to fonksion dan to travay)?

.....

.....

.....

.....

.....

4. Ki to bann lexpéryans dan minister/ servis (li inplik bann travay e bann rol ki to ena e bann diferan minister)?

.....

.....

.....

.....

.....

5. Ki bann lexpéryans interkiltirel (li inplik bann tip fami, relasion, bann pei/ bann landrwa / bann lexpéryans misioner)?

.....

.....

.....

.....

.....

6. Ki to bann lexpéryans douleure dan lavi (kouma bann problem, bann blesir, ban leprev ou bann problem finans)?

.....

.....

.....

.....

.....

MO PROFIL F.O.R.M.E.

Dekouver to F.O.R.M.E. se premie pa pou trouv to plas onivo minister e akonpli to bit pou Royom. Sa lekzesis-la pou ed twa rasanble tou bann linformasion afin ki to kapav dekouver kouma Bondie ti form twa dan enn fason inik.

LaFors spiritiel:

Mo top sink don spiritiel se:

1.
2.
3.
4.
5.

Orientation nou leker:

Bann kitsoz ki pasionn mwa...

.....

Bann dimoun ki inters mwa profondeman...

.....

Mo le edsa bann dimou-la pou zot reponn sa bann bezwin-la ...

.....

Koz / Bann koz ki mo soutenir ...

.....

Bann rev ki mo pou fer mo mie pou realize ...

.....

Resours:

Mo sink Top Aptitid se

1.
2.
3.
4.
5.

Manier ki nou ete:

Mo ti pou dekrir mo personalite kouma ...

.....

.....

.....

Experyans :

Bann lesan ki mo finn tire depi bann lexperyans pozitif e doulere ...

.....

De tou mo bann bon ou move lexperyans, ki mo panse ki pou ed mwa plis e pou servi lezot ? Dan ki fason?

.....

Fer enn desin (lor prosenn paz) pou ilistre to F.O.R.M.E. e/ ouswa to lavi dan lavenir pou servi Kris.
(Santi twa lib pou desinn seki to resanti parski nou kone ki laplipar parmi nou desinn kouma bann zanfan 5 an)



Paski mo konn mo F.O.R.M.E. ek vizion/ mision ki Bondie finn met lor mo leker, mo promet pou fer mo mie pou servi Bondie dan mo kominote e dan Legliz global, lekor Zezi Kris.

Nom:

Date:

Sig:

Aplikasyon F.O.R.M.E.

Tandi ki to pe reflesi lor sa lekzersis-la e ki sa implike pou servi lezot - ki bann minister (dan bann legliz ouswa dan bann lorganizasyon) ki aktielman to F.O.R.M.E. ti pou donn twa lokazion pou servi dan enn manier efikas?

.....

.....

Si okenn minister pa match avek to F.O.R.M.E., ki kalite loportinite Bondie kapav prezant devan twa pou ki to servi li, swa prie pou ki sa arive/ ouswa inisie li a traver to F.O.R.M.E.?

.....

.....

Nou Pa pe rekrite parski zis Bondie tousel ki fer bann plan pou to lavi me Si to santi twa interpele par sa minister Swin e Liezon pou kapav:

- **Pran swin** bann kretien e ed zot/ **ankouraz** zot devlop zot don e tanlan,
- Ed to bann frer e ser pou mie **konn zot idantite** antan zanfan Bondie (par ekzanp kan to fer levaliasion F.O.R.M.E. avek zot),
- Fer **resansman bann resours** ki ena onivo to legliz/ kominote pou partaz avek seki bizin pou ki person pa mank nanie (2 Konrintien 8-9),
- **Konekte/ lie** to legliz lokal ou organizasyon ek bann lezot legliz e organizasyon afin ki nou kapav fer enn meyer travay/ servi ansam (Efezien 6)
- Travay pou ki lapriyer Zezi pou linite parmi bann kretien akompli (Zan 17)

Alor kontakte to responsab Kretien answit Kontakte nou lor:

Tel: (+230) 59467517
Mail: daybreakacademy@live.com
Sit web: www.daybreak-academy.org
Facebook: <https://www.facebook.com/daybreak.mauritius> ouswa
<https://www.facebook.com/daybreakacademymauritius/>



Daybreak academy se enn zouti Kretien (organizasyon enrezistre Ref.12068 depi 14 Fevrye 2011) ki servi pou Lamour e Linite a traver lekor Zezi Kris a traver lemonn an devlopan minister Swin e Kominikasyon ek an fasilitan ban partenaria ant bann Kretien, bann legliz e bann lorganizasyon. Nou 3 laktion principal se:

1. PRAN SWIN/ soutenir bann kominote kretien pou devlop zot **Sentr de Swin ek Kominikasyon** (pou fer resensman bann resours ki zot membr ena ek pran swin zot ban bezwin physik, spiritiel e emosyonel) ek answit fasilit komimikasyon ant zot (Hebre 10: 24).
2. ANKOURAZ/ develop **linterdepandans** (Akt 4: 32) ant bann Kretien a traver lemonn ek bann denominasyon pa zis a traver seki nou dir me osi a traver nou bann laksyon.
3. LIE/ konekte bann Kretien, bann legliz ek bann lorganizasyon ki fer fas mem difikilte ouswa ki ena mem fonksyon pou ki zot kapav mie servi ansam, donk fasilit bann **partenaria** (Zan 17: 21).